

福惠全書

士

74
6473
12



門 74
號 6473
卷 12



福惠全書卷之二十一

保甲部

總論

夫保甲之設所以弭盜逃而嚴奸宄法至善也惟行之者
 不得其要且視為具文而又紛紛焉日見其奉令之擾究
 無其取效之實遂以保甲為厲民之具而弛之其不與因
 噎而廢食者等乎所謂保甲者有古寓兵於農之意焉有
 古軍旅卒伍之用焉有古比閭師胥之制焉古者守令皆
 得主兵以率戰今之州邑惟快壯數人供奔走而已若倣

福惠全書

卷之二十一

保甲部

十一

野村堅氏贈

井田出甲率之遺法以遴選鄉壯而訓練之使知義勇而樂戰夫非寓兵于農之意乎古者萬二千五百人為軍將皆命卿二千五百人為師帥皆眾大夫五百人為旅帥皆下大夫百人為卒卒有長皆上士二十五人為兩兩司馬皆中士五人為伍伍有長今保甲之法十家有長曰甲長百家有長曰保正一鄉有長曰保長以次相統屬而行稽察之政焉至于壯丁無事則暇日以教練有事則聞倣以救援皆保甲長相率而趨夫非古軍旅卒伍之用乎然而甲保長類多報充詎堪勝任必親加選拔以足馭眾而急

公視才之大小以為用是又將用命卿師旅用大夫卒伍用上中士之意也古者比閭之制德行相規患難相卹死喪相關師胥之制有故則設備有盜賊則追捕有好宄則互相稽務令比戶有可封之俗室家享康阜之娛今保甲之法設為保長壯丁分布城鄉聯絡村舍平時修防講備臨事協力救禦至于保里之中有德善孝弟則舉而旌之有無良匪類則舉而懲之以及子弟訓之謙和而好禮父老勤其推卹而好義一里如是各里如是一鄉如是四鄉如是有不雍雍然同古政行俗美之世哉夫所謂保甲之

之當作此

害者如王荆公抽民兵以遠事征伐妨農稼以簡閱戎伍
 使百姓軍裝餼糧而自備死亡窮困而莫哀是其所以為
 害也所謂保甲之利者如王文成公之撫贛命州邑設保
 甲以綜理一鄉立甲長以稽查十戶清排門使奸宄之無
 可藏選壯丁使防禦之有足恃是其所以為利也推原其
 故荆公驅民以為兵以之遠戰于邊隅文成簡壯以為民
 以之近守其間里其利害之相去倍徙不較然乎今州邑
 之脩舉保甲能毋視為具文誠得其要而行之夫詰奸不
 出于其家防護不出于其村禦侮不出于其里是一家一

村一里之民各自為衛也即其近家之人而為之甲長即
 其近村之人而為之保正即其本里之人而為之保長是
 甲長保正諸人皆所熟識也其甲保長等又必選擇而任
 之是其人必皆老成奉法者也至于傳集徵名不用公差
 查報拘催不煩牌票而悉聽保甲之自為承稟百姓獲終
 歲之安官司無一文之費若是行之者既有其實效奉之
 者亦無其煩擾由一邑而推之一省由一省而推之天下
 誠弭盜戢奸之善政也又安見其為勵民而可廢之哉

選保甲長

夫保甲之安擾視乎其法保甲之興廢視乎其人蓋法之不善有擾而無安人之不得名存而實亡謂保甲之無益于民也固宜惟夫法有定而用法無定人無難而得人爲難則保甲長之選可不慎乎夫十家之奸宄盜逃惟甲長是稽百家之奸宄盜逃惟保正是問一鄉之奸宄盜逃惟保長是綜苟非其人則十家之衆不服其稽百家之十甲長不服其間一鄉之保正不服其綜則雖奸宄盜逃日縱橫于十家百家一鄉之間寧復有所忌憚耶故欲保甲之實行有效非保甲長等之得其人未見其可也所謂保長

者邑分四鄉鄉立一長謂之保長不曰鄉而曰保者以鄉別有長所以管攝錢穀諸事而保長乃專司盜逃奸宄不與乎其他者也舊例即以鄉長而兼保事其責任不備而才非所用蓋鄉長取乎年高有德而素行服人者充之保長取乎年力精健才猷邁衆者充之故所用不同而責任亦異未可兼理也所謂保正者以之統率十甲長并甲中伍壯亦必擇其才力精健才智過人者充之至于十家長舊例即以第十一家爲甲長或十家輪充夫甲長之設蓋爲稽查十家之盜逃奸宄非以備戰而已若端主之家輪

之當作此

保甲部

充之衆類多愚頑老疾鰥寡貧窶之人將責之抱十家之
 牌朝稽而夕詰耶故必于十一家之內擇其殷實老成有
 子弟者充之非有故不更蓋殷實老成則廉隅自飭揮指
 聽從有子弟則助理有人勿致悞事而甲務可舉矣其選
 擇之法先擇保長而保正十家長須于編甲之後始可選
 選宜先出選舉保長告示而曉以轄統保正稽查盜逃奸
 宄之專司并待以破格優異之殊禮使人知責有所歸即
 可免里逃奔走瑣屑之煩禮有所加自不同約地奴隸呵
 辱之賤而有品自重有才欲試者亦踴躍而樂于從事矣

點當作點

須令各鄉約總地及莊鎮長等務須詳慎選擇家道殷實
 年力精健才猷邁衆素行可稱者合詞公舉每鄉擬正陪
 二人報縣以憑本縣親選鄉地等不得隱蔽賢能徇私妄
 舉查出重究既報之後縣官再行細訪所報果屬俱賢並
 無隱蔽方票行鄉地將公舉賢能保長某某等起送到縣
 俟其到時不坐大堂于川堂引見免其跪叩觀其狀貌不
 類庸常聽其應對頗有識見看其年力果屬精健驗其服
 飾實居殷厚便爲點記隨待以霽顏溫語另期以禮任事
 令退俟四鄉公舉已畢內中每鄉選任一人餘一人記名

保甲部

保甲部

保甲部

五

如之之當
作是

候用其選任者至期官陞大堂先備燒金銀花紅綢酒棹
 鼓樂命約地等伴領新保長由東角門進至滴水簷下排
 立鼓吹舉樂陰陽生為之簪花披紅縣官起立新保長先
 行庭參後四叩縣官出案傍答揖禮畢陰陽生執壺把盞
 捧檯縣官親為遞酒斟三巡畢新保長稱謝免行禮鼓樂
 前導由中門而出印給優免夫差票城廂保長共一人合
 之四鄉共五人其舉選優禮亦如之與四鄉保長同日委
 任每保長給與某縣某鄉保長某人鈐記一枚凡有公務
 許印封申送鈐記詳後朔至于編保之事俱保長專任而

城廂約地及鎮集村長莊頭各為兼理焉其大鎮集巨村
 等長亦必擇殷實才能素有體面之人為之仍著本村鎮
 人民公舉其禮遇較保長少殺不行庭參于滴水簷叩首
 而仍給以花紅優免票鼓樂導中門出其小莊莊頭不及
 百家者雖亦本莊居民公舉殷實老成曉事者充之俟任
 事有功之日再行獎異而初無所加禮焉蓋禮別以殺而
 愈崇恩施以功而益勸也保甲既編而後擇十家之長百
 家之保正其保正選擇之初著保長協同村鎮長莊頭嚴
 加選舉年力精健才智過人者報縣俟親驗堪膺其見禮

自當刪去

與花紅優免鼓樂導出與村鎮長同蓋保正為保長分任而鎮村諸長亦與保正之責相表裏俾之協舉共事彼自不肯容匪劣而自貽悞矣

保甲之制

一鄉之中大而鎮集小而莊村或千家數百家以及數十家俱按各街巷之橫直長短單面街挨編合面街對編自第一家至十一家內以一家擇為十家長以統十家為一甲自第一甲至十甲為一百一十一家內以十家為十家長以一家擇為保正以統十家長并十甲分之百家為

一保自第一保起每保總以百家為率如此莊編保之外尚有畸零甲分謂之畸零甲即附統于末保之保正如人戶不足一甲謂之畸零戶即附統于末甲之十家長其莊村不及百家者附近有一二十家或十餘家之小村准其附入以足一保謂之合保如村外獨戶令其移住大莊以便照管其寫遠孤村不過數家力又難遷即于數家中擇一年力精壯省事者為莊頭本莊稽查逃盜奸宄之事一以委之謂之畸零莊而于附近之保正兼統之其菴觀寺院如在本甲開于甲尾以不入下差不便列于十戶之數

保甲部

如之之皆作是

也。其僧尼道士若干名，仍照民戶開報，以便稽查。其法總以一鄉之人戶盡編為限，不得遺漏一家。每家門懸一牌，謂之門牌。上書本戶姓名、男婦生理及同居某人、男婦生理亦如之。門牌式十家長門懸一牌，謂之十家牌。上書本戶姓名、男婦生理及同居如前後並列所統之十家姓名、男婦等如前，以便日夕省覽稽查。附後十家牌其烟戶十家門牌各保正彙齊送保長查明呈縣印發，十家長門前各置一木架上，列長鎗馬刀八杆、三眼銃一杆，以備倉卒之用。麻搭火鈎各一杆，以備火燭之虞。其器械俱要鮮明堅利。

銃要火藥硝繩齊備。麻搭要多，麻紮緊，火鈎要長，杆厚鐵為之，不可視為故套。本縣于查勘保甲時，逐一點驗如門牌不具什物，不堪十家長保正一併重究。其在城及城外關廂不統于四鄉保長而統于城廂保長，其在城自十字街分為東西南北四城，亦以十家為甲，一家為十家長。合百家統于十家長，而十家長統于保正。所有畸零戶即附統于臨末之十家長。畸零甲即附統于臨末之保正。亦如四鄉，其四關廂自東南西北之四城門始分編保甲，亦如在城。其城廂選擇十家長保正，并懸門牌置械架。

逐日稽查及朔望具結之事亦如四鄉凡十家長保正長
 俱選之庶民不及青衿衙役以青衿有妨肄業衙役善作
 奸也其鄉紳舉貢監文武生員在本甲居住者不必編入
 十家之內以不便懸門牌令十甲長稽查惟將一戶係某
 鄉紳某舉貢監衿開明姓諱籍貫官職附編本甲十家之
 後城鄉俱同其城廂庵觀寺院以及僧尼道士開于甲尾
 亦與四鄉同如是人戶有所統不致散漫而無稽城鄉各
 為編不致雜亂而難理舉合州邑之戶籍人民罔不在是
 無有遺漏矣煙戶甲長門牌式附

煙戶門牌式

用梨木板將前示諭并後年月一行保
 長等一定字樣刊刻端楷用堅白棉紙
 印刷明白照格將本戶同居丁口填
 註整齊該甲保查對無差彙送印發

煙戶門牌

某 正堂某 為申嚴保甲以固地方事案奉
 督部院 諭 各憲檄行前事合行給發門牌遵照
 憲頒條約開列各戶姓名籍貫年齒生理丁口凡在同戶親疎屬戚男女大小不得遺
 漏一人以及同居之人俱照本戶式開列違者甲長保正等併究其本戶內人敢有
 忤逆不孝不悌賭博酗酒生事鬪毆挑唆詞訟依附邪教拜把遊蕩結交匪類高頭
 私鹽藏匿逃盜作反為非詐本戶稟首其鄰佑甲長保正等逐日挨戶嚴查如有前
 項事犯即行密報立拿究治如通同容隱事發一體連坐不貸須至牌者

一戶某人某處人年若干歲某生理 妻某氏 妾某氏
 祖父某年若干歲
 母某氏年若干歲
 伯父 叔母
 婦姪 婦孫
 嫂兄 姪女 姪婿
 孫婿 弟 婢僕
 僱工

某年某月 保長 保正 甲長 鎮集 鄰佑
 日給某村某保某甲戶某人懸掛
 如係遷移將門牌交甲長繳銷註銷新住人戶另換牌
 照式填寫甲保驗明送縣印發仍將保甲冊換其原案
 此係牌面文

煙戶條約

保甲煙戶條約
 某 正堂下諭牌面所開前禁要爾各戶民人遵守法度勉為善長今所開條約
 乃奉 憲頒保甲內曉諭爾等共相守望救援以防禦盜賊而恤睦鄉鄰務宜恪勤乃事以
 毋負 上臺為爾民保安固圉至意特諭
 一十戶為一甲其十戶俱聽甲長管束稽查如有抗違不遵甲長稟究
 一守柵瞭望伏路巡更除老疾孤寡免派外其餘俱聽甲保莊頭等從公均派如
 有抗違稟拿重究
 一所派之處時刻不許擅離如有騎馬帶械之人要進本莊即鎖閉柵門報知甲
 保等查訊若恃強不去即鳴鑼聚眾甲保放銃傳集伍壯堵禦追擒遇晚巡更各
 帶柵鑼器械往來巡邏不許偷安貪睡但有盜儼即連鑼鄰莊有警更樓擊柵
 聞伏路人有警放銃本莊亦接銃擊柵甲保即放銃傳集伍壯堵禦救援違者重
 究
 一凡歇店生理每日登記循環其南來北往一行幾人有無貨物馬匹器械脚騾
 如無行李貨物來歷不明之人不許容留住宿仍報甲保等盤拿住客天明放行
 違者重究
 此係牌背文

甲長十家門牌式

甲長十家門牌

一戶本甲十家長某人	照烟戶開	前示同煙戶門牌
一戶某人某生理	本戶婦女若干名	本甲某寺住持某人僧
一戶某人		共若干名
一戶某人		某觀 某人道
一戶某人		共若干名
一戶某人		某庵 某人婦
一戶某人		共若干名
一戶某人		本甲如有鄉紳矜監
一戶某人		等開寫十家之後蕃
一戶某人		觀僧道之前

某年某月

日給付某村某保某甲甲長某人懸掛

如十戶內有伍長壯丁若干戶上標出通有查理以便執牌照點

此係牌面文

之當作此

甲長條約

保甲十家長條約

- 一甲長管束稽查十家人戶每日晨持日稽簿向各戶稽查本日有無前項過犯或男子夜出未歸或面生容留住宿嚴查明確登簿存查如係應報者即行稟報以憑拿究通同容隱併罪
- 一守柵瞭望巡更伏路人夫爾甲長莊保等公同撥派如人夫不如法遵行有擅離時刻偷安慢事者許即嚴查拿究通同容隱併罪
- 一本莊有警甲長即率伍壯堵御隣莊有警亦如之倘有遲緩慢事及不到者併究甲長容隱不舉同罪
- 一本甲有客店每晚住宿之人俱要查明登簿如有馬匹器械并無貨物行李馱脚者立即盤查不許留歇如踪跡可疑一面圍拿飛報違玩并究
- 一定更後禁止夜行如有生產急病請穩延醫者許甲長驗明給與夜行牌方准放行回時將牌繳如有假捏計牌者次日指名稟報以憑拿究甲長容隱併罪
- 一本縣信籤傳到該甲長保正即率伍壯依限飛馳照信籤註定處所齊集調遣敢有延悞處死不貸
- 一甲長凡奉行稽查撥派傳習教演一切保甲公事敢有借端需索分文擾害甲戶伍壯者立拿查究追給仍倍罰不貸

此係牌背文

保甲稽查

其當作夫

其稽查之法十家長置一日稽簿每日將暮執簿向所管
 十家問今日男子有無往何處去如此夜不歸問宿于何
 處須註簿以備查考若常出不歸宿處非其親友恐係交
 通匪類賭博為非尤宜察其平素為人及近日行止如何
 細加盤詰言語支離即報知保正詳行稽察既問家中便
 問外來今日有無男子婦人到汝家係是何人如此夜留
 宿必問明不去之由亦註簿以便存查若連宿不去或常
 有人往來語音不對面生可疑即細加盤詰并訊鄰佑不

能明晰即拘留其人報知保正凡報單須用白紙一幅十
 家長某人將所報緣由云云寫明送知保正庶免保正日
 後以未報推諉保正聞報即同十家長親至其家查問酌
 量事情輕重應報官者即行報官如在外歇宿果非匪類
 之家亦無賭博交通實跡係本戶人着戶長認保係戶長
 着本戶人認保若甲戶留宿往來之人查係遠方親友有
 傍人識認肯保即令識認人具保日後事發戶長保人並
 究仍即註簿為據方免報官若二者俱有可疑又無認保
 即行報官究治如此稽察惟嚴則後人知儆而出外不歸

以及往來留住之人自少矣。○其城廂內外及集鎮通衢宿歇往來客商坊店每坊店各置循環日報簿二扇每日留歇客商俱要逐起明白登記某日住宿行客共幾起一起或南來北來客商若干人從何處來何處去有無弓箭幾副箭上係何等字樣有無烏鎗腰刀若干杆口馬若干匹騾驢若干頭是何貨物共若干馱若干車第二起詳列如前日暮時該十家長及保正俱要逐店坊親查比對所填日報簿是否相同如查對相同十家長及保正于本起上各用一查對同訖小戳若止騎馬帶械而無行李貨物

鎗當作銃

及無所僱長行驢騾脚夫之人一槩不許留住若恃強要住出言不遜驗其字箭有無不真并踪跡可疑十家長保正即齊集莊頭及該保壯丁拘留飛報本縣以憑拿究其單身無行李之人又無人識認亦不得留住若店坊所有住客隱漏不填日報日後發覺查出經宿之處該店坊及十家長保正一體重究其有坊店之處每晚起更時鳴金禁夜一應客商俱俟晨雞三唱天明開店放行如坊店不遵十家長保正查出稟官究治其日報簿于簿面註明某城廂或某鄉某集鎮客店某字日報簿內頁註明某城廂

或某鄉第幾保第幾甲第幾戶客店生理某人十家長某人保正某人每月初一日起填循字簿至十四日止投縣存查十五日起填環字簿至三十日止投縣存查如有不遵投繳該承查出稟究至菴觀寺院不許容留單身及騎馬帶械面生可疑之人住宿查出重究其保甲稽查之法大約備于此矣若夫分別勤惰以為勸懲又詳具賞罰之條云○凡空野荒祠古廟久無香火每有盜賊于此齊連分贓宜將大門塞砌僅上留方隙可置爐炷香而已亦禁絕盜踪之一端也

造保甲冊

夫愚之所謂保甲冊與平常州縣所造煙戶冊稍有不同何也平常煙戶冊止照鄉莊開列戶口以備有事之稽查愚所謂保甲冊悉載城鄉保甲之數以暨十家保正長伍壯等姓名以詳始事之編擇而無事之防弭與有事之救禦咸于是取資焉故保甲既編而保甲冊不得獨緩也其事專責在保長協理在集鎮村長莊頭等無論城鄉即照所編保甲挨次填寫務期編之法與造冊之法兩相符合至于前有總而後有散無遺無舛則得之矣其冊如東鄉

保甲冊前頁敘明東鄉計共若干保十家長計共若干名
保正計共若干名、人戶計共若干甲、實共若干家、其編造
所委鎮集長莊頭保長頁下截開列保長某人如鎮即開
鎮長某人同編造集村莊仿此、次頁第一行開寫某縣某
鄉第一保二行格上開寫第一甲格內寫一戶某云云自
一戶以至十一戶某戶擇為甲長即于格上書十家長三
字自一甲以至十甲某戶擇為保正即于格上書保正二
字如一保之內選某戶有伍壯即于格上書出伍長某人
出壯丁某人字樣其保長亦挨甲均編如十家長保正不

列于十家之內亦于格上書本鄉保長字樣挨保寫完尚
有零甲于格行內書以下崎零甲仍開幾甲尚有零戶于
格內書以下崎零幾戶一鎮一集編完于格內書以上係
某鎮某集計共若干保零若干甲若干戶餘仿此如附近
散莊合保者亦照前挨次開寫某保某甲如有零戶仍照
前開幾戶後行仍書以上某莊計共若干甲零若干戶如
前莊某保二甲止後莊即接某保第三甲起餘仿此如崎
零莊統于某保者亦照式挨造本保之後後行仍書某莊
計共若干戶餘做此如此開造則保甲分明十家保正長

伍壯丁等記載并井而各庄村人戶之數又犁然不紊可
 一展册而無不盡在目中矣保甲册式附
 保甲册式 本鄉保甲人戶多一本不能造完或
 二本三本但于册面寫明第幾本

某州 某縣 造完

第

某鄉保甲册

本

某縣某鄉某保起至某保止計共若干保如係城廂即寫某城廂

某保某甲某戶某人起至某保某甲某戶某人止計共若干戶

男丁共若干名 女共若干口 幼男共若干名 幼女共若干口
 僕共若干人 婢共若干人 僱工共若干人
 又本鄉保甲外 鄉紳若干戶 舉人若干戶 貢生若干戶

監生若干戶 文生員若干戶 武生員若干戶
 僧寺共若干座 僧徒共若干名 道觀共若干座 道信共若干名

尼菴共若干座 尼姑共若干名
 伍長某人起至某人止共若干名 壯丁某人起至某人止共若干名
 甲長某人起至某人止共若干名 保正某人起至某人止共若干名

某年某月

日編造本鄉保長某人

全編造某處鄉約 某處地方 某鎮鎮長 某集集長 某村村長 某莊莊頭
某處 某鎮 某集 某村 某莊

如一面寫不完作兩面寫鄉約等共作六行排去城廂亦然

某縣某鄉第一保
二戶某人某處年若干歲某生理

妻某氏年若干歲

妾某氏年若干歲

祖父某人年若干歲

父某人年若干歲

男某人年若干歲

幼男某人年若干歲

伯父某人年若干歲

兄某人年若干歲

姪某人年若干歲

女婿某人年若干歲

叔父某人年若干歲

弟某人年若干歲

孫某人年若干歲

姪婿某人年若干歲

母某人年若干歲

姪孫女某名年若干歲

僕某人年若干歲

婢某氏年若干歲

同居某人某處年若干歲某生理

妻某氏年若干歲

男某人年若干歲

女某人年若干歲

已上無論本戶同居祖父母伯叔母嬸等大小男子女人僕婢俱要詳細開列姓名年紀一名不許遺漏違者查出重究有則必開無則止

甲長

一戶某人 全前

如第五家是甲長即于格上寫明甲長

一戶某人 全前

一戶某人 全前

一戶某人 全前

伍長

一戶某人 全前

如第六家是伍長即于格上寫明伍長某人

出舉

一戶某人 全前

如第八家有壯丁即于格上寫明出壯丁某人

第甲

一戶至十戶 全前

如本保保正本鄉保長雖在各甲均編亦照十家長另立一戶不在十戶之內惟格行上亦標寫出保正保長字樣以便查覓

如本甲有鄉紳舉貢監文武生員居住仍開明一戶鄉紳某姓其謹某籍貫官職于十家戶之後舉貢監文武生員亦如之

如本甲有菴觀寺院開明座數并僧道尼等姓名人數于本甲之尾

第甲

已下係本保畸零甲

如十甲既完又有餘甲是名畸零甲

第甲

保甲部

已下係本甲畸零戶

二戶某人

金箭

二戶某人

金箭

已上係某鎮 某莊村同

編第二保共十甲計二百二十戶

畸零甲共二甲計二十二戶

畸零戶共二戶

實共十二甲計一百三十四戶

實共男子若干名

女人若干口

幼男若干名

幼女若干口

如附近皆係小莊村可合為一保者亦照前按編式列于左

第三保

第甲

二戶至十二戶

金箭

第甲

二戶至十二戶

金箭

已下畸零戶

二戶某人

金箭

二戶某人

金箭

已上係某莊

編第二保共二甲計二十二戶

畸零戶共二戶 實共二十四戶

實共男子若干名 女人若干口

幼男若干名 幼女若干口

第甲

二戶至十二戶

金箭

第甲

二戶至十二戶

金箭

後莊村亦照前按甲順編 如有畸零莊應歸本保者亦照式造本保之末

簡驗壯丁

夫有保甲而無壯丁則詰奸禦侮未能執途人而用之也
 若一旦有警召集耕農非老弱惟怯則手不習兵安能擒
 盜賊而資防守乎說者謂少年強悍嫻以武事恐滋亂階
 不知今日坐食租糧驕兵悍卒天下幾千萬獨不虞其脫
 巾呼噪者恃有朝廷之法主將之恩威有以制伏之也
 今州邑所簡壯丁祇用以自衛其家及助防鄉里有事則
 持挺而拒暴無事則秉耒而服疇有何蜂蠆狼毒吮血磨
 牙之橫乎况下則有約束時勤之保正上則有禁令惟嚴

之當作此

之當作此

簡之之之當
作此

之官長雖有不逞之心方將盜賊是稽奸宄是察彼亦何
 自而騁哉愚惟所慮者鄉鄙小民不諳軍旅以之防守則
 多疎以之扞禦則多怯耳至于患生亂階舍兇整豺虎之
 兵而不之懼乃鯁鯁然于隴畝襁褓之子以為憂不亦操
 末而忘其本哉其簡之之法以州邑之大小定壯丁之多
 寡莊村多而人戶眾則壯丁之簡拔亦多莊村寡而人戶
 少則壯丁之簡拔亦寡姑以中縣計之一邑四鄉約得莊
 村四百處哀多益寡每莊約戶五十紳衿胥役去其一鰥
 寡孤獨去其一貧困老疾去其一僅得出丁者二十戶以

保甲部

每鄉百莊計之得五千戶每千戶得出丁之戶四百是五千戶得出丁之戶二千以戶出一丁計之每鄉則出丁二千名矣以四鄉計之是共出丁八千名矣以一保計之百家出丁四十所出壯丁預行嚴飭該保正十家長務擇年力精壯有胆技者充之每鄉各保合造壯丁姓名年貌籍貫習何器械點册投遞候本縣定期赴鄉點查該保正十家長帶領壯丁聽點如臨點壯丁不到立拿究責點時四十丁內汰去年力不充並不諳器械者十名止留三十名于三十名中又擇其年力尤壯胆技趨眾者五名為之伍

長每伍長各統壯丁五人其壯丁之結束器械及訓練之事皆伍長經理之其勤惰及違奉法令皆伍長察舉之所汰十丁註册存為餘丁俟正丁遇有開除補其空缺由此計之每鄉一千戶所出四百下汰去一百丁僅得三百丁合一鄉五千戶止出正丁一千五百名內除二百五十名為伍長止得壯丁一千二百五十名合四鄉除伍長一千名實共壯丁伍千名又以保計之每保伍長五名壯丁二十五名共三十名合一鄉一千五百名是一鄉五十保四鄉共得二百保矣以二百保得伍長壯丁六千名至于城

中四關廂計之、哀多益寡、城中少亦二百家、得二保、共伍壯六十人、四關廂少亦三百家、得三保、共伍壯九十人、以城廂合計之、共得伍壯一百五十人、合計城廂四鄉總共伍壯六千一百五十人、此中縣大略之數也、不儼然一重鎮、所統乎凡壯丁伍長保正長等、既膺逃盜專責、其一應門夫、襍差、自應除免、宜于設行保甲告示、即先敘明于選充保正長之時、即給與優免印票、以示優異、今于簡拔壯丁時、須將優免票印就、即于點定之後、面填姓名、當案發給、使彼欣然有壯丁之榮、則小民樂于見用矣、點選畢、該

保正照本縣所點用花名造冊、詳開某縣某鄉第幾保、保正某人、領下某伍伍長某人、壯丁某某人、逐伍挨造、每名下仍註明年貌籍貫、所用器械、一保造完、挨造次保、本鄉各保造完、二本送保長查閱、無有遺錯、并具各保正長、并無遺漏、舛錯連名、甘結併冊、投遞、以憑定期點閱、其花名冊一印、發該房存案、一留內署備查、投冊之後、即宜行票曉諭、該保長其伍長壯丁、須各備行綿撞帽一頂、上綴號帶、傍垂遮耳護項、內綴兜額帽繩、身置重綿疊布密行、齊腰軟甲一領、腰間繫褲處、要做布搭包、纏緊免致褲腰鬆

脫脚行棉窄箭齊膝布襪一雙將帶縫于襪上以便繫束
 可脚深臉翁鞋一雙亦將束帶縫上其帽甲各按方色爲
 之東鄉伍壯帽甲俱青色南鄉伍壯帽甲俱赤色西鄉伍
 壯帽甲俱白色北鄉伍壯帽甲俱黑色城廂伍壯帽甲俱
 褐土黃色不敢用正黃避之也其器械俱要鮮明鋒利如
 弓要新弦箭要翎簇整利鎗要好桿銃要火藥響快壯丁
 帽上號帶一根用雙層白布濶二指長齊帽口甲上左胸
 縫白布一塊長三寸濶二寸俱上書某縣某鄉第幾保壯
 丁某人其伍長帽上綴紅絨纓一球所以別壯丁號帶上

所書與壯丁同但換伍長名目耳保正長帽甲色式俱同
 其套甲內衣悉從其便但須短窄便于行動保正帽前綴
 一磨鐵光圓錢甲上胷左右各綴一磨鐵光日月鏡以別
 伍壯保長帽前綴一磨鐵光珠外繞火鎗甲上胷前後各
 綴一磨鐵光掩鏡以別保正其壯丁服械俱伍長督造保
 正查驗伍長服械俱保正督造查驗保正服械俱保長督
 造查驗保長服械聽自行如式辨造俱限十日內備齊各
 伍長俱遵票造驗齊備具結投報保正各保正照式具結
 投報保長該鄉保長卽定期逐保查驗具結報縣以憑本

保甲部

縣定期親詣四鄉點驗于點驗先十日行票該保長除城廂壯丁就近定期點驗外各鄉壯丁任居寫遠若聚點一處恐彼飯食不便且須守候半日莫若分作數處于各保相近之地擇空濶處所點驗每保正按方色置一旗長五尺濶三尺五寸杆長一丈二尺上綴黑纓或染黑絲藤為髦頭旗上直大書某縣某鄉第幾保字樣保正率領伍壯挨保排列道左每保相去十步或五步保正在前執旗者立于保正左側第一伍伍長領伍壯丁排列第二伍以至五伍亦如之俟本縣馬將至保長去保正等前十步打恭

之當作此

迎接本縣舉手保正去伍壯前五步跪迎本縣舉手保正起打恭執旗者仍前站立不動伍壯等跪迎俟本縣馬過畢方起場上南向設公座桌案案設隨帶硃墨筆硯俟本縣陞座保長立于左班之上各保正率領伍壯左班順保挨列保正居前執旗立保正左側伍長五人排列保正之後壯丁二十五人排列各伍長之後行列要整齊不許參差禁止喧譁不許說話作聲以軍容最宜嚴肅也各保排列既畢保長向案前打恭稟點驗該房呈壯丁花名冊于案上高唱某鄉第一保聽點先喚保正某人保正行至中

保甲部

間立旗隨亦至本縣驗訖行過右邊照式排列各保點完
 該房高唱各保伍長壯丁向前聽諭各保正領旗順排向
 前伍壯等各隨旗排跪聽諭見諭畢保正稟覆各保保
 正伍壯等悉遵鈞諭遂起先于本縣去處照前排列道左
 如式送畢保正捲旗率領伍壯整肅而還仍不得喧譁奔
 走以象亂軍即點驗城廂伍壯亦如前儀式其稟諭先行
 保長保長即抄傳各保正保正抄傳各伍長伍長抄傳各
 壯丁使其明白了然保正長先期演習嫻熟免致臨時忙
 錯本縣點驗時須驗其年貌籍貫與所用兵器與冊同

敗嘗作改

否即驗其所戴撞帽面錢軟甲胄左右日月掩鏡并號帶
 上姓名保號所穿鞋襪及所持器械各保旗上標寫字樣
 方色俱不差本縣用硃筆于各上點訖過右邊照式排列
 如有服制違式器械不鮮利本壯丁記責伍長保正俱記
 責保長記罰以今日點驗之始不便加刑也宜嚴諭之限
 五日速改正完備伍保帶縣再驗其記責之壯丁即書明
 于本名下以便回縣行稟保正催改赴驗各保點完遂令
 保正率領伍壯前跪聽諭其諭豫先作就令該房高聲宣
 讀讀曰保甲之設爰為爾民防戢盜逃盤詰奸宄簡爾壯

丁用資守禦堅爾衣甲利爾戈矛以護爾身以殲匪類見
 賊必擒聞警必援有調必集毋生怠玩功則立賞罪則立
 罰伍保正長代縣司教爾等宜遵不可違拘 朝廷有法
 官長有刑出為義勇入循孝悌永保鄉邦太平萬世宜畢
 保正等謝起先于道左照式排列而送保長先馳彼處迎
 接點驗宜諭候送悉如前儀蓋 鴻于壯丁必其衣械行列
 之整齊者非欲費民財并示已威也夫彼鄉曲耕農塗首
 跣足慣矣使一旦服敝衣執朽器而即戎不惟有觀瞻
 亦且防其戕害况伍壯甫充既有免差之恤而苟爭先擒

賊赴援有功又加格外之賞乎 鴻以為保甲果行境內之
 匪類格心鄰邦之無良裹足所謂兵雖設而不用又何壯
 丁之為勞擾哉

訓練伍壯

夫兵不訓練所謂驅市民而野戰不惟難以取勝且多自
 傷如伍壯皆鄉民也彼更何有進退坐作之節步伐止齊
 之令乎然欲加之訓習恐妨農務且賞賚無資而縣官日
 鞅掌于簿書迄靡寧晷說者謂剽劫之盜不過數三醜類
 率是壯丁可以坐縛又何煩于教練耶雖然無事常為有

事之防古盛王之世不因承平而廢兵聞之明熹宗之末
 海上倭彘七人衝殺江南州縣千餘里無有堵禦之者詎
 無兵哉素失訓練剋敵不振之故也夫以鄉人擒盜鄉人
 之怯膽而當盜之死命未有不披靡敗走者然則有田而
 不耕謂之棄地有壯丁而不訓謂之棄民田且不可棄而
 況于民乎 鴻 曩在郊地當山左江南環介八州邑密邇三
 十六寨之撫民為盜賊淵藪其他鄰壤剽劫之事無日不
 聞而惟郊為安土所賴有素練之壯丁也彼宵小者聞風
 裹足且相戒不入 鴻 每昏夜遊巡遠徂百里而居民鼾睡

從其二字當
 作而一字

杳無人跡謂非保甲之嚴伍壯勇敢之效哉然所謂訓練
 者豈若大將軍教以戰陣攻圍奇正虛實之用乎亦惟農
 隙委之保正試以技擊及滌場之後縣宰一合閱其衆而
 已雖事同嬉戲然猶愈于已乎云爾故敢並述之以博
 高明一噓
 各保正于本保伍壯平日所用兵器試其果否精熟如止
 備數不足禦侮須令延請明師從其學習務期弓箭如何
 入穀貫革三眼鳥銃如何制藥如何命中長鎗如何擲大
 刀如何舞與夫叉耙劍戟之類如何入抄或本保或鄰保

互相講究演習若果有熟慣精好者許保正開報以憑親
 驗弊賞如懶惰不習器械生疎者本縣不時單騎親臨挑
 試該伍壯重責保正以督率不力並究○每歲夏三月天
 暑農忙免其演試其餘三時每月一次該保正但于農暇
 先日傳知伍壯于次日演試技藝或本保或連合鄰保于
 空濶去處弓箭立把分偶而射三眼鳥銃立板畫圈分偶
 而放矢要中的彈要中圈火藥要快其餘鎗刀等件俱要
 精熟該保正須置一簿名曰演習簿將本月日伍壯某人
 箭中幾矢銃中幾放鎗刀某生某熟俱定為上中下三等

再至下次演試何如若三試皆下等該保正彙單指名報
 縣以憑親驗示罰如保正徇庇不舉一體重究演試日伍
 壯等俱不許飲酒爭鬪生事輕則保正戒飭重則稟官究
 懲鴻每于春冬民事閒暇自備餼糧兼攜錢酒詣鄉傳集
 伍壯比藝嫻熟者記簿賞錢飲酒次之飲酒無錢再次之
 免責罰跪俟飲者飲畢乃起優者多保正亦飲以酒記功
 劣者多保正罰錢若干記簿留充後試之賞
 每歲九月霜降日城鄉全保伍壯大操是日黎明本縣放
 號砲一聲各保正長俱戎服率領伍壯俱到教場日出時

保甲部

放號砲一聲各保長率領保正統本保伍壯分列左右兩
 行左東中北右南西各相去五步離演武廳十步保正按
 方色建一長旛上書某縣某保其旛垂展命一親信有力
 之人執于左側其旛號各保標定記號不可相同或飛禽
 走獸之類旛邊異色殊形之類雖屬操演原非實用然兵
 制不可紊也保正之後列五伍長伍長之後列本伍壯丁
 俱各去二步排列整齊正巳刻放號砲一聲本縣吉服乘
 輿將至教場放砲一聲五保長出教場口排班打恭迎接
 本縣舉手輿從中道至演武廳下輿陞座五保長行庭參

順當作從

稟叩免站立兩傍各保正離隊伍進廳下行四叩禮畢順
 保長下兩行排列兵房設祭品猪羊酒樽香案齊備放砲
 一聲稟請本縣祭旗燻神吹手舉樂本縣起座下廳步至
 旗臺鋪壇就主祭位五保長排二班各保正按方色在保
 長後相地勢寬窄或兩班或三班排列齊畢禮生唱禮兵
 房陞座三獻畢行四拜禮保長正等隨行四拜禮畢放砲
 一聲本縣還廳陞座保正等各歸隊伍畢五保長進前稟
 開操本縣諭以城廂保長為中軍主將東鄉保長為左軍
 將西鄉保長為右軍將南鄉保長為前軍將北鄉保長為

後軍將各保正為偏禪將五保長聲諾而退自是而後各
 軍止聽中軍主將號令不復知有縣主矣先是中軍主將
 除本隊黃旗外另置青白紅皂方旗四面杆聽用五保長
 預各置一杆上作纛式下各按方色置一斜角小旗縛杆
 首為表其時中軍立表于教場居中左軍立表于左前與
 南軍對右軍立表于右後與北軍對南軍立表于右前與
 左軍對各表相去中軍表二十步是為五軍相生而立五
 表既立中軍主將領旗率偏禪伍壯至中軍表下主將前
 立大旗捲而豎側四方旗俱捲不豎中軍設巡警司二人

司旗者五人司鼓者一人扛鼓者二人司鉦者一人吹角
 者一人至是吹角一聲絕嚴鼓徐徐四軍將各領偏禪伍
 壯各依表照式立鼓聲絕吹角一聲四軍將率領偏禪詣
 中軍主將前聽令主將立而誓曰目視旌旗耳聽鼓角應
 進而進應退而退應左而左應右而右心存號令毋許喧
 譁毋得亂伍制勝賞功不用命者國有常刑各宜加勉四
 將及偏禪聲諾而退嚴鼓一通將禪各歸本隊吹角一聲
 主將令巡警司二人各執刁斗一人由左而右一人由右
 而左五軍聞角聲皆坐器械旗幟俱偃臥待巡警者歸隊

保甲部

保甲部

吹角一聲五軍皆起舉械展旗嚴鼓一通中軍衆離表前行約十步止司表者五表皆拔中軍吹角一聲南軍爲前鋒移隊在中軍前擺開左右軍在中軍左右分兩翼擺開北軍在中軍後擺開各相去中軍十步要擺列停勻勿得稀密參差軍容不整便不足觀左軍分五保于左方高阜處札住右軍分五保于右方高阜處札住爲左右游哨須預先派定勿致臨時忙亂教場無高阜處不過離大軍各二十步耳各軍擺列要快而不亂總之以熟練爲貴四軍擺列既定中軍主將前立吹角一聲大旗舉立五軍俱弓出服刀出

鞞架銃捺鎗中軍吹角一聲大旗前指鳴鼓前軍作戰關勢鼓聲急擗大旗前亞前軍戰勝前進大旗左右指左右兩翼前進與前軍合追賊約十數步中軍鳴鉦前左右軍止追執弓架銃鎗側身而還仍看中軍依原隊式立兵法所謂追不奔迸退不趨走者是也左游哨吹威栗一旛前指謂有賊從東來也中軍吹角一聲大旗前左指前軍前進作鬪勢大旗前左亞鼓聲急擗前軍戰勝前追大旗左右指左右兩翼前進與前軍合追約十數步中軍鳴鉦前左右軍止追而還仍依原隊立右游哨吹威栗一旛前指

謂有賊從西來也。中軍吹角，指旗前左右軍，鬪追止回俱如前式。三戰既畢，左右游哨俱吹，威栗旛向後，指謂賊從兩旁來攻陣也。中軍吹角一聲，廻旗北指，衆軍俱回身以前作後，繞列中軍之後。左右兩軍亦廻身看中軍大旗前，指中軍衆前進，作鬪勢。青白兩旗招動，左右兩軍向前合圍。紅皂兩旗招動，北軍分兩翼，南軍亦分兩翼，俱與左右兩軍合圍，作一圓陣，俱向圍內作鬪勢，以困賊在中也。中軍旗摩動，鼓聲急，搯五軍漸鬪，漸近作賊敗勢。各約離十步許，中軍鳴鉦，各軍止鬪，側身退還本隊。左右游哨俱各

還本隊。吹角一聲，各軍捲旗，弓入服，刀入鞘，鎗械不舉。吹角一聲，各隊偃旗臥械，皆坐息片頃。中軍吹角一聲，各隊軍執旗械，皆起。中軍移隊居中南，向四軍左東北。兩軍右南西。兩軍對列，各相去五步。吹角一聲，四軍將領偏裨，請中軍主將報功罪。有功者記賞，薄有罪者記罰。簿吹角一聲，各保各散集一處。候本縣示不許喧譁，趨中軍主將領四軍將，并偏裨，依班次告操，畢行禮。免本縣預備操宴四席，在演武廳擺設，待營官儒學僚佐。猪三口，酒三壘，備葦蓆矮桌，賜保長保正等每伍長另賞肉八兩，酒一斤，壯

丁賞肉六兩酒一斤人多恐散不週以錢代本縣諭保長
 等伍壯中有技藝可試者聽其當場演試嫻熟趨眾者賞
 給銀牌演畢起席放砲三聲本縣管官等俱回署各保長
 正伍壯等散歸○夫操演之事雖近于戲然使鄉人知軍
 容之整紀律之嚴而戢其頑魯犷悍之氣知尊卑之序揖
 讓之儀而生其敬謹謙退之心于武備而修其文教未必
 無小補也至於操演之要節止在各隊認定本將之旗任
 其離合總視本旗所以不致于亂伍擺列隊伍前後左右
 止看中軍站隊之處相去十步擺列自勻所以不致于參

乃當作即

差視旗之指亞而前進聽鼓之急播而奮戰鉦之鳴擊而
 却止其吹角乃軍中之節奏最要記明第一次吹角為某
 事第二次吹角為某事則不致于前後失序也操演尚有
 方圓曲直之陣奇正合散之隊恐其繁多難記只就此大
 略訓之保長正伍壯等宜各抄一張仔細記玩于先期私
 演嫻熟方可下操不論人多寡只分五軍依式訓練無不
 可耳一操事吹角凡十五次今編成歌句以便默記歌曰第
 六舉大旗開械凜七前八左九右戰十次廻身合圍緊十
 一各軍捲旗械十二偃坐息少頃十三移隊傍中軍十四
 報功十五頂各保散集犒
 賞優此是角聲須記准

曰當作云

保甲部

福惠全書卷之二十一終

[Faint bleed-through text from the reverse side of the page]

福惠全書卷之二十二

建築柵濠

村鎮之有墻濠猶州邑之有城池也。所以防盜寇而固守禦。其未可少也。然愚民狃于耽逸而憚于煩勞。往往防禦不設。卒致見侮于暴客。剽劫資財。潛匿其逋逃。株累流遣。而後追悔之無從。抑已晚矣。故各鄉鎮集村莊。建柵築濠。之舉不可不亟講也。其法各鄉之鎮宜設一鎮長之集宜設一集長之村宜設一村長之莊宜設一莊頭。俱要本鎮集村莊人民公同保舉其才行兼優老成服衆者爲之。其

之鎮之鎮下當有則字之集之集之集下當有則字之村之村之村下當有則字之莊之莊之莊下當有則字

鎮集大郵所舉必係殷實素有體面之人須待以優禮彼
 乃樂于任事既訪實其人堪膺斯選乃依保正例禮遇之
 并給與優免雜差印票其小莊頭免票照給但禮遇不得
 與鎮集長等惟功罪之賞罰無少異焉其鎮集村莊無論
 大小一切建立柵門築浚牆濠以及撥派瞭哨巡更等事
 皆本鎮集長莊頭專司而保正為之兼理蓋以保正主于
 分號名難一未若鎮集長等統于合呼應更靈也其建柵
 之法如北方鎮集各莊大街皆有牛車出入南方通衢鎮
 市亦有輿蓋往來其門務須高大門左右用堅大直木先

造門框其框柱必豎入牆裏再行固築使兩邊牆夾框堅
 牢不可靠墻安框久則動搖其門左右兩扇內閣俱用乾
 粗木密行打造中設濶厚橫楞拴入用鐵釘釘牢于安鎖
 處用厚板橫貼堅釘使手不得掏鎖其鎖用堅厚鐵者鎖
 鼻亦要純厚熟鐵為之仍纏以大鐵索并貫其鼻鑄之其
 上下門樞轉掇處再加鐵箍堅釘門上框密釘鐵山字
 倒鬚又使人不能踰越而過則斯門稱固久久無虞矣其
 小巷并通空隙處俱安設柵門如前式堅固其安立門樓
 瞭臺視村鎮之方長斜窄大小以為多寡總要四遠俱見

脉當作脈

可坐臥五六人者樓四面開小窗可以外瞭仍設撐板可以掩閉其門樓外周遭留空道可以通行外設耳垣可以護身俱須建造堅固不可潦草塞責其挑濠之法先要相其地勢凡人家住居之處必有龍氣結聚煙火多者則龍氣旺煙火少者則龍脉小若不論地勢來龍一槩混挑必致傷損龍脉于人家不利宜于高處四望本村何方地勢稍高非浮土所積者是其龍脈到頭跌入平陽結為宅地其兩邊稍低處即為宅地界水其水流聚之處即其宅基正向至于左右前後案托包護內外水口灣環隱伏是又

地理之旺相吉凶未暇論於此也惟龍脉來處不可挑挖恐傷龍泄氣止可開門建樓以通往來而迎生烝其餘俱可挑濠其濠宜上濶下尖上濶一丈深一丈底尖二尺兩傍宜斜挑而下不可壁陡宜用力拍實土鬆遇雨則淋下漸淤至隔年草生便可經久蓋上濶使人不能踰躍下尖使人不能藏走故也濠中水要通流不可薪土壅積通流則濠身不致浸漬壅積則日久漸高人思掘濠取徑矣濠內所起之土便可築墻其築墻之法先將墻基浮土剝去有鬆處須因杵堅實若大石為脚更妙但恐不能多得且

北方鹹土每遇霖雨輒易坍塌必將取起濠下之土并地
 內生殖之土築之不可襍以汗穢及折房倒壁之層牆宜
 厚不宜薄高須一丈脚寬五尺由漸而縮至頂寬三尺外
 屬牆背向內稍俯內屬牆背向外稍仰不宜陡直直則易
 于傾頽外牆根離濠僅尺許不可寬餘太寬則可容足而
 升若內外傳以堊灰泥使光滑不受雨滲牆面結頂再加
 夯礮使錐札不入則屹然可資永久靠外用磚列砌堧口
 上堆雜石以備不虞至于建門樓之處牆須稍厚建角樓
 瞭臺之處尤須幫築土臺構樓其土以便出樓守禦如設

則當刪去
 大當刪去

門不留實道視門大小造以弔橋如運河閘座橋式抽搭
 隨時有事則拽橋閉門甚為嚴謹夫樓柵濠之設總期
 規制得宜工力不惜便可堅固長久如晉中太原汾州等
 府大家巨族崇墉峻樓儼如都邑何嘗迫于功令驅之
 刑罰而為之哉蓋相率自資防禦而謀之不遺餘力耳則
 夫凡有室家之計者安可不取效于太汾之民乎

守禦救援

夫守禦者無事而守有事而禦也救援者他有警而赴之
 所以協力相擒捕也然守之事如白晝看柵寒冬伏路昏

夜坐樓巡更者是其事鎮集村長莊頭主之保正副之凡
 鎮集各有方隅如東柵門係當孔道出入則應派東方煙
 戶若干名每班二名輪流白晝看柵柵傍搭一窩鋪以便
 歇坐鋪宜置籬一面鎗一杆不許一刻擅離設有疎虞看
 柵人重究鎮集長莊頭等併行嚴懲每晚坐樓巡更亦係
 依方撥派門角樓俱三人自二三四更每更一人坐瞭不
 許盹睡各街巷柵門于黃昏後鎮集長莊頭鳴鑼定更後
 禁止行走俱各上鎖其鎖鑰即付附近十家長收掌以司
 啟閉每晚各街撥派戶丁五人持柵籬器械往來巡邏按

更次鳴鑼敲柵直至天明不許偷安睡歇其人夫按日派
 定懸牌曉諭使共知遵守所派之人除鰥寡孤獨免派外
 其餘無論紳衿衙役一體均派蓋富貴有力之家正須嚴
 防自衛豈反圖安逸而獨累貧戶小民乎附近集長莊頭
 以及十家長保正等仍不時親行查點如有看守巡夫偷
 懶貪睡及缺少不到者即記明姓名具單報縣以憑拿究
 大凡鄰境地方及莊村寫遠之處深秋隆冬田禾收割人
 踪稀少匪類乘機搶劫致滋遺累法宜于當路設蓋窩鋪
 約里許一所星羅旗布以補烟村之缺畧即于附近居民

保甲部

撥派看守每日每鋪輪流三人一人持三眼鏡裝好火藥
 長點火繩二人持械各莊頭會集均派不得徇富偏累貧
 民况十月入室安處之後又有何農事相妨乎若得道警
 無聞亦爾附近居民之幸也倘有不戒失盜牽連雖欲不
 受累費錢豈可得哉其遇警及救援之事須平日預先
 曉諭以便臨時遵守庶無舛悞各莊鎮門角樓俱額設大
 柳一面響金一面三眼鏡一管以及長鎗斬馬刀等件如
 本村白晝有騎馬帶弓箭器械之人遠遠而來看柵人須
 執鎗鑼防備準備關柵俟其將近意欲入莊即將柵門鎖

閉如恃強不去看柵人即急鳴鑼各十家長保正聞何柵
 鑼響立即放號鏡一聲傳集伍壯飛集鳴鑼之所盤查堵
 禦本村各門樓角樓所派守瞭人夫亦急鳴鑼其鄰莊聞
 鑼急登門樓角樓鳴柳傳集伍壯十家長保正等亦即發
 號鏡率領壯丁飛馳救應如騎馬帶械之人知儆而去止
 逐其出境不必窮追若動手打伏立即擒拿并馬械行裝
 解縣一面飛報保長查明何人擒獲強人何人奪獲馬匹
 何十家長保正伍壯有無未到或何人後至以憑分別賞
 罰凡本莊有儆止連急鳴鑼放號鏡不得鳴柳鄰莊聞

警救援止連急鳴榔放號銃不得鳴鑼使救援者皆知鳴
 鑼之處即係有警之處可飛馳而赴也無論晝夜有警俱
 照此為定 凡本莊有警各保正傳集伍壯俱赴敵方堵
 禦若鄰莊有警各保正十家長止須三伍壯丁赴援其餘
 十家長并二伍壯丁留守本莊不得盡發恐本莊突有疎
 虞則堵禦無人矣應留應發須保正平日預先派定今次
 此發彼留後次彼發此留不得偏枯 若係晚間赴援本
 莊伍壯向警方開柵出去看柵人隨即閉柵巡更人依舊
 巡更各門角樓依舊坐瞭所留十家長伍壯等俱小心靜

聽俟救援人歸警散無事方可安歇 至於道路荒野之
 地有強賊劫掠客商或窩舖伏路人看見即放號銃各舖
 聞之號銃齊鳴率同馳救或近村居民瞭知即急鳴榔傳
 集伍壯而保正等亦放號銃立督伍壯馳捕各莊村聞號
 銃榔聲亦各處放銃鳴榔飛奔赴援蓋白晝之賊與黑夜
 不同黑夜賊之去向難明白晝則賊之踪跡可見于其所
 向之處眾村合力追捕彼賊至多不過十餘人豈有伍壯
 聚集數百之眾四面環擊而猶令兎脫耶蓋道路賊劫止
 窩舖放銃莊村鳴榔而不得鳴鑼者使聞者知為道路之

保甲部

警而不在莊村也。○夫莊村之鄰大路者最難防有騎馬帶械之人赴村討火飲水者若遽以為匪類而拒之彼必怒而思鬪矣若竟納之又恐宵小乘機患生不測而未及深防總要看其有脚騾行李者必行道之人也宜一面閉柵一面令人在外婉言今奉カホリ上行小民不敢不遵索火則與之火索水則與之水彼不惟無隙生嗔即或可疑亦將廢然自返矣又有上司被胥役朦蔽徑不票行州縣而自差拘拿人犯者有運司巡鹽丁快而入莊緝私者有隔省鄰封奉批躡緝而物色來莊者凡遇此等ヒソカニ或馬械揚揚

毫無顧忌亦不許放入柵門隨馳報村長保正等驗明真正某衙門印票真正躡緝批文真正巡丁字箭差牌隨用好言安慰領赴本縣查驗發落若非係通衢大道突有騎馬帶械及徒步持有兵器面生可疑之人除不許放入莊村尤須馳聞莊保帶領伍壯潛尾其後俾所過莊村知而共防接尾其出境而還若白晝剽劫道路黑夜攻圍莊村及明火入院是其盜踪已露惟有協力擒追無令縱逸庶跡涉無他者不致生釁而多事真盜應擒者不致漏網而逋誅則兩得之矣。○夫州縣有近產鹽之地其私販出入

頗多十家長逐甲挨查不得興販窩頓犯者十家長保正
 連坐其鹽徒聚眾車載驢馱盈千累百挾帶兵器公行道
 路及騷擾莊村竟同盜賊 新例凡經過地方照盜案失
 察處分聚賣之處照失盜例處分凡遇大夥鹽徒入境近
 莊瞭見即鳴梆放號銃傳集伍壯擒拿其各莊村聞梆亦
 即鳴梆接應協力擒捕彼若棄鹽而走止獲鹽驢等報縣
 論功給賞若人多敢于拒敵度不易擒止四面密圍莫與
 動手一面飛報本縣以憑率領官兵親擒一面飛報保長
 傳集近鄉保正調集伍壯協力擒拿若保正等調度有方

伍壯爭先奮敵而鹽徒雖眾亦無能遁逸矣若鹽徒雖眾
 懼擒棄鹽逃走不必窮追恐有傷損將所獲鹽驢等報縣
 轉申亦可免經過地方之咎也○凡昏夜追賊及聞他警
 赴援不可持火恐賊人暗處望見反為所擊宜各保正與
 所統去伍壯默定一暗號至黑處不辨人止聽暗號便是
 一保可聚一處以為追捕則不致疑亂而混走矣

城廂防守

夫城中之防守更重于鄉村以其倉庫錢糧及監禁重囚
 所關甚鉅也法宜每晚按煙戶出夫每街市撥派五人各

帶柳羅器械按麗譙更點往來巡邏該保正仍不時率領
 伍壯巡查如有巡夫偷安及缺少名數者查記姓名次早
 稟縣究責關廂亦然舊例州縣駐防營兵在城內街巷巡
 查但至黃昏便拿犯夜無論比較里遞詞訟人民一槩混
 捉到營墩鎖一夜次早帶稟營官若遇有錢之人索賄放
 去以故借端恣行詐騙甚至以縣官查夜之衙役俱指為
 盜賊擒拿鬪傷無忌鴻在郊東與營官約大堂銀庫仍撥
 老成小心兵丁防護其城內街市一槩俱屬本縣快壯巡
 查城上週遭俱屬營兵巡查凡起更之後快壯不得上城

之常是

營兵不得下城如有不遵悉憑拿究于是兵民始相安無
 事鴻又慮四門守軍及大堂監倉缺人貪睡致有疎虞乃
 置更籌五根長五尺上圓下方以堅木為之持之夜巡可
 作防身器械上書某縣第幾更籌傳以上黑下紅色油四
 城門監倉各置竹籌五枝長二尺濶徑寸上書某縣某城
 門第幾更籌監倉等亦如之罩以桐油其木竹籌俱存署
 內每日晨城門監倉赴縣領竹籌起更後署內擊柝一聲
 宿堂皂隸領第一更籌查監內巡夫及直宿刑胥有無俱
 在由守監禁卒傳第一更竹籌出遂至南城門查門軍人

數有無俱在收第一更竹籌由南而西而北四城門照收
 乃及于倉以倉近于北城門也週遭收籌畢并木籌繳宅
 查收恰交二更矣每更做此及五更繳完而天適將明更
 恐諸役作弊置木籌不傳先收各處竹籌及時而繳偽稱
 傳收者鴻不時密出潛查取各門監倉竹籌詳驗更次字
 樣並查宿堂皂隸果否領木籌傳去如有前弊立時鎖拿
 天明重責枷號示衆舊例衙署週遭皆有更道每夜大堂
 火夫持梆鑼器械按更巡邏惟官長自彌彼亦視為故套
 每致匪人入署而外竟不知宜署內每晚撥派內丁五人

各處巡邏並發收更籌如此則城廂四門監倉以及城上
 下街市縣衙內外無非巡警之人雖有奸宄之徒亦將何
 自而來乎更有州縣近城垣之處內有高阜小山外有曠
 僻無人之地恐宵小從此出入即于城外垣畔搭蓋窩舖
 視地勢遠近或一舖二舖每晚派就近生理舖面或煙戶
 人夫每舖五人往來巡邏如城外柳籬不聞責令城上守
 夜營兵喚查記明某窩舖更夫稟營移縣以憑拿究如城
 外有匪人踪跡窩舖巡夫鳴鑼喊問城上營兵接應即向
 城上傳知外廂十家長保正立集伍壯擒捕追拿毋致走

脫故鴻于郊東遇多事之時及隆冬天氣遂于城外設舖
 巡防以城中之守莫若干城畔兼守為萬全不惟盜賊不
 敢潛踰即重囚越獄亦不克繩城而遁矣○夜禁之嚴無
 論城市鄉村凡定更之後禁止行走但盛夏炎暑小民無
 深房大院嘗于門外坐臥乘涼若一槩閉之湫室未免鬱
 熱成疾亦屬厲民每值五六月不禁居民開門納涼惟
 大街小巷鑄固柵門不許人行行走耳○然有生產急病請
 穩延醫者難待天明每十家長宜預置一小木牌名曰夜
 行牌長五寸濶三寸塗以白粉上書本州縣正堂諭本保

甲知悉凡本甲居民昏夜有生產急病請穩延醫者許領
 此牌驗明開柵放行回時即繳如無此牌者一槩不許放
 行敢有假捏混討該長擅給查出一體重究不貸右付第
 幾保第幾甲長收執後用官押上罩桐油使字不脫落牌
 用帛條穿好本官驗明給發該甲長懸于臥房壁上以便
 取攜庶行者可稽而公私俱無悞矣

夜行牌式附
 長五寸濶三寸塗以白粉書墨字
 蓋以油漆上穿皮條以便懸掛

夜行牌

某州正堂 示諭本保某甲甲長知悉凡本甲居民昏夜有生產急病請穩延醫者該甲長驗明本人面目其家產病果真許給此牌守柵人問明所至地方開柵放行回時即繳如無此牌者一槩不許放行敢有假捏混討甲長不查明擅給發覺一併重究枷示不貸

日給

某年某月 正堂 押

福惠全書卷之二十二 終

